



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Cistercii Et Tvllei Abbatibus.

urn:nbn:de:hbz:466:1-20006

MEDIOLANEN. ARCHIEPISC.

illius sequentes exemplum qui cùm mulieri dixisset, *Nemo te condemnavit, mulier* & illa, *Nemo, Domine. Nec ego (inquit) te condemnabo. Vade, jam amplius noli pecare.* Quia verò prædicti Canonici citra vinculum inscriptionis desistere voluerunt, eis de juris permissione id non duximus imputandum. Ne autem in absolutione tua * nimis procedere videamur, quamvis potius in odore bona opinio-
nis coëpiscoporum nostrorum quād eorum infamia delectemur, venerabili fratri nostro Cabilonenſi Episcopo & dilecto filio Abbatu de Firmitate inquisitionem famæ tuae duximus committendam. Datum Romæ &c. I V. Idus Junij.

CISTERCII ET TULLEI
Abbatibus.

Epiſt. 178.
Vt Thesaurariuſ Biſuntinus ad perſonalē residentiam vo-
cetur.

EX parte dilectorum filiorum Canonicorum Ecclesiæ S. Iohannis Bisuntini, fuit in audiencia nostra proposi-
tum quād cùm Thesaurariam Ecclesiæ Bisuntinæ cuidam Teutonico, videlicet C. qui in Treveren. & Spiren. Ecclesiæ redditus quamplures habere dignoscitur, ad instantiam Othonis Comitis Bur-
gundiæ inviti & coacti assignaverint, licet necessitas multò plus exigat continua residentiam Thesaurarij quām alicuius personæ, per spatium duorum annorum & amplius prefatus Thesaurarius non habuit ad Ecclesiam Bisunt. accessum, & ita Thesaurarij locum incas-
sum occupat, propter quod ipsa Ecclesia debito servitio defraudatur, & multiplex sustinet detrimentum. Quoniam igitur rationi & æquitati consonat ut portet onus qui percipit proventus honoris, cùm ecclesiastica dignitates ad hoc fuerint instituta ut hi qui obtinuerint eas dignè Domino famulentur, discretioni vestra per apostolica scripta mandamus quatenus memoratum C. ut in Ecclesia Bi-
suntina, prout ex dignitate Thesaurariæ tenetur, residentiam faciat, moneatis di-
ligentiū, & studiosius inducatis. Si verò monitis vestris obtemperare noluerit, vel si forte spontaneus cesserit, vos au-
toritate nostra suffulti, juxta canonicas sanctiones & consuetudinem Ecclesiæ Bisunt. in substituendo Thesaurario, sublato contradictionis & appellationis obstaculo, procedatis. Nullis literis &c. harum mentione &c. Datum Romæ &c. VI. Idus Junij.

Epist. 279.
Pontificalem
funt recipienda
& excipienda,
nisi obrepita
existat.

*Cap. Cum alia
Descriptio.*

CVm adeo scripta sedis apostoli-
cae moderemur ut ex certa scien-
tia nihil in eis faciamus apponi quod de-
jure debeat reprehendi, miramur non
modicum & movemur quād quoties ad
te vel aliquos tibi subjectos nostras lite-
ras destinamus, te super eis mirari ref-
ribis, ac si mandaremus aliquid inho-
nestum. Scripsisti etenim nobis quād
cùm P. Clericus in Ecclesia * Modevien.
sufficientem sibi sit præbendam adeptus,
mirabaris quād pro receptione ipsius
in Ecclesia de Grongonsola Præposito
& fratribus ejusdem Ecclesiæ literas apo-
stolicas miseramus; cùm si literarum
nostrarum diligenter seriem attendis-
ses, nihil penitus invenires in eis quod
ruum debuisset animum offendisse. Cùm
enim in literis ipsis nec de præbenda ip-
sius P. mentio haberetur, nec Mode-
vien. Canonicus, immo nec etiam Cle-
ricus diceretur in eis, & in literis ipsis
hæc esset adjecta conditio, si dignus exi-
steret ad ecclesiasticum beneficium ob-
tinendum, & si eadem Ecclesia ex dono
parentum ipsius quandam capellam cum
dote fuisset adepta, & à consanguineis
ejus oblationes & mortuaria pro tem-
pore & decimas perciperet annuatim,
intelligere potuisse qualiter literæ ipse
fuerant imperatae, in quibus de bene-
ficio ipsius, pro quo scribebatur, men-
tio non fiebat. Ideoque fraternitatì tuæ
per apostolica scripta mandamus qua-
tenus cùm ad te vel ad tuos literæ apo-
stolicæ diriguntur, earum tenorem di-
ligenter attendas, & quod mandatur in
eis, dum tamen nec per suppressionem
veritatis aut expressionem falsitatis ob-
tentia fuerint, facias effectui mancipa-
ri. Datum Romæ &c. XIII. Kalend. Iulij.

PRÆPOSITO ET CANONICIS
Ecclesiæ Colocen.

CVm à nobis petitur &c. usque ad
verbū assensu. Decimas villarum
in Colocen. parochia Zumuzcircum
minoris Ester, in parochia Ocur, Tere-
thiæ, Varod, Cheud, & Cheud prædiūm
Hippoliti Scolounta, Varos, Ytoud, in
parochia Budrug, Luascu, Buu, Ban, pre-
diūm dom. Cheucucheton; in paroch.
Cameras, Egres, Thoboid, & totius pa-
rochiæ Ecclesiæ de Miger; agnos etiam
villarum

Epiſt. 180.
Confirmat in
percipiendi
decimas ex certis
villis.